

《大乘頂王經》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 14, No. 478

No. 478 [Nos. 477, 479]

大乘頂王經

梁優禪尼國王子月婆首那譯

歸命大智海圓滿淨覺尊

如是我聞。一時佛在毘舍離菴羅樹園。與大比丘僧八百人俱。菩薩摩訶薩十千人俱。及諸天龍八部鬼神。爾時世尊食時著衣持鉢。入毘舍離大城。乞食於其城中。次第遊於淨稱里巷。爾時淨稱里巷有一童子名善思惟。乳母抱持在於高樓重閣之上手執蓮華娛樂受樂。以宿善根即向乳母。而說偈言

如是音樂聲	世所未曾有
母今速放我	我欲至閣下
必是大精進	世尊大光明
我欲投右足	因陀枳羅邊
微妙甚可樂	眾鳥悉圍繞
此聲昔未聞	亦生未曾覩
必是大精進	憐愍眾生故
以右足而蹈	因陀枳羅邊
如母著瓔珞	貫之嚴其身
未觸出妙聲	令人意所樂
必是天中尊	功德光莊嚴
放右足而下	因陀枳羅邊
如人擊銅鼓	出於大音聲
於其一切處	皆得聞此音
必是人中日	大牟尼光明
入此大城中	利益諸眾生
如樹生花時	種種花莊嚴
隨意出妙音	令眾生貪著
必是大龍王	善住天中尊
我欲右足蹈	因陀枳羅邊
如空淨無垢	周遍無塵翳
光焰如金色	令日光不現

必是樂見者	具足光明尊
放右足而下	因陀枳羅邊
如此諸天眾	住在於空中
歡喜而讚歎	旋轉在空中
必是利世者	最勝天中尊
放右足而下	因陀枳羅邊
如此城眾生	悉生於慈心
各各意相謂	如母子相親
必是功德聚	功德花莊嚴
放右足而下	因陀枳羅邊
如男子女人	持種種妙花
滿掬而侍立	歡喜相瞻視
必是人中龍	功德花莊嚴
右足下而蹈	因陀枳羅邊
天花及人花	滿於虛空中
散以繽紛香	令人心愛樂
必是大精進	欲請毘舍離
無上尊入城	利益諸眾生

爾時乳母聞子語已驚怖毛豎。即將童子至於樓下。而作是念。向所言者為是誰作。為是天也若龍夜叉羅刹鬼神緊那羅摩睺羅伽為是人也。還住本處而不移動

爾時世尊至其門已。時彼童子見佛世尊。在其閣下瞻仰如來。以佛神力在虛空中。即向世尊。而說偈言

世尊住大智	安住無上人
憐愍諸眾生	願受此蓮花

爾時世尊。以偈答童子言	
我住於實際	非世間境界
其際無有際	此是實際相

爾時善思惟童子。以偈問曰	
云何住於際	實際中導師
其際無有際	若無云何住

爾時世尊。以偈答言	
若際是實際	即際是如來
如住於實際	導師如是住
若際是實際	即際是如來
如住於實際	童子我住然

爾時善思惟童子。以偈問言
非際際為際 其際有何相
以何方便故 名之為實際

爾時世尊。以偈答言
無取際非際 故名為實際
虛空是際相 其空無空相

爾時善思惟童子。而說偈言
妙處是實處 處處無有上
願一切眾生 住此如導師

爾時善思惟童子白佛言。世尊。唯願世尊。憐愍我故受此蓮花。爾時世尊即便受彼所施蓮華。如來受已。時彼童子而作是言。世尊。以此善根願我得成阿耨多羅三藐三菩提。為諸眾生分別解說無凡夫法無聲聞法。爾時慧命舍利弗在大眾中。語善思惟童子言。汝學何法為眾生說。爾時善思惟童子。以偈答言

諸佛及聲聞 一切無得者
我覺如是法 為諸眾生說
其法世界無 亦無有言說
智者應當知 其法性如是
過去正遍知 天人無上尊
無得此法者 導師入涅槃
彼處無法界 亦無眾生界
此是無上際 非世間境界
法界但是名 名字而分別
無分別分別 分別畢竟無

爾時富樓那彌多羅尼子。以偈問善思惟童子言

云何於此法 童子而修學
甚深難知處 智者於此惑
汝生來未久 智慧甚通達
與聲聞談論 智慧無障礙
處處巧明淨 如成鍊真金
如王在大眾 如月在於空

爾時善思惟童子。以偈答慧命富樓那曰

汝今知己問 彼處無有生
諸法未曾生 誰受於生者
無一法生者 自性不可得
此是諸法性 求法不可得

法及於法性	二俱不可得
二俱未曾有	而佛說妙法
此是第一輪	鹿苑中所說
如捲把於空	以覺諸聲聞
法音遍一切	救度諸眾生
以得方便智	如實而演說
生者及與死	是凡夫境界
富樓那汝有	顛倒未除盡
生者及死者	此世間言說
無言說法中	言說是密語

爾時富樓那彌多羅尼子白佛言。希有世尊。善思惟童子。於此甚深法中智慧通達。佛告富樓那。如是如是如汝所說。佛問善思惟童子。汝以何義求阿耨多羅三藐三菩提。爾時善思惟童子。而說偈言

天人無上尊	知己而故問
如牟尼所說	誰當有所求
我今無所求	而求無滯法
甚深無上句	清淨離諸漏
眾生不可得	非眾生亦然
於此不迷沒	能住於世間
若能如是知	甚深無上句
一者及異者	如上實際說
覺悟諸眾生	眾生不可得
以無眾生故	亦無覺知者
智慧及眾生	自性不可得
若能如是知	是名為智者
世尊我如是	自然能覺知
為一切眾生	而說無上法

爾時阿難白佛言。希有世尊。善思惟童子。以此甚深辯才。於無證無得法中而能解說。一切世間天人阿修羅。於此法中皆生驚怖。世尊。誰於此法而不修學。於此深法應先修學。爾時慧命阿難而說偈言

善思惟童子	在於大眾中
如須彌寶山	觀者皆愛樂
譬如須彌山	安處於大海
如是善說法	世間所愛樂
非有名無名	童子之所說

所說實際法	非世間境界
如是言說時	不生驚怖心
汝今為我說	云何如是知
爾時童子。	而說偈言
我不顧身命	求法無所著
如是求菩提	多聞應當知
因欲墮憤鬧	世間受諸苦
我已不貪著	見世導師故
此諸佛境界	救護世間者
今在於佛前	身無有諸過
虛空及我身	二俱不可得
若無法可得	於法有何怖
虛空及與佛	二俱不可得
若能如是忍	於法無所畏
虛空及與地	自性不可得
善思此自性	於法無所畏
善思虛空地	本無當亦無
無自性無生	畏者無自性
虛空無高下	畢竟不可得
如是知法者	於法無所畏

爾時世尊問善思惟童子言。汝不畏也。不也世尊。汝不驚也。不也世尊。佛告童子。善哉善哉。汝能於此甚深法中不驚不怖。爾時世尊。而說偈言

若於體生畏	其體不可得
若如是常忍	其人求菩提
說於眾生想	眾生不可得
若能如是知	安住於此乘
若不得菩提	不得非菩提
更無有所得	彼則無所畏
若能如是知	不住有無中
如是汝應知	此道是菩提

是故善思惟。菩薩欲速得阿耨多羅三藐三菩提。欲覺知者。常想樂想淨想眾生想人想。應當修學此道。能向阿耨多羅三藐三菩提。我本行菩薩道時。亦常修學如是之行。我得如此無上道已。不得一法名得菩提。爾時世尊。而說偈言

我說於常想
常無常無故
樂想眾生者
此是顛倒想
是故彼有想
若有知法者
非道得菩提
此是諸法性
性及於實事
汝應如是知
不行此妙乘
於此生分別
不行此妙乘
若不修此行
諸法無實事
若無實事者
若樂若苦等
智者如說知
我說有我者
以無有我故
無有知者故
是以說命想
若我若命等
大智能解知
性及於實事
不知此乘中
甚深修多羅
於此法門中
我不得一法
我坐道場時
無智亦如是
菩提及道場
凡夫起分別
此是微密言
若不聞此法

常體不可得
求之不可得
不知於樂想
分別生於人
命者及以人
彼此不可得
非道亦不得
求法不可得
智者不分別
此道是菩提
佛乘無上乘
是人不知法
佛乘無上乘
甚深定難證
實事不可得
云何得有樂
猶如空中迹
其心得解脫
其法無實事
無有能知者
是智慧境界
畢竟不可得
自性無實事
少智則迷惑
此凡夫境界
佛乘不思議
不聞不受持
無法可演說
亦無法可說
不證一智慧
菩提無得故
說時不可得
稱言佛說法
甚深佛所說
最勝之所說

甚深及與佛	此是魔境界
其人不知味	守護一切法
諸菩薩眾等	無不了此法
諸佛及菩提	二俱不可得
如是妄言說	稱云佛說法
如此云何有	依止於可求
若有智慧者	分別甚深法
如是信讚歎	諸佛不思議
是故善思惟	當修學深法
其法義甚深	甚深智能覺
如是言說此	言說亦無得
眾生見顛倒	此非其境界
非唯三昧故	能知於此義
三昧非三昧	於空中亦無
此非智境界	亦非非智境
應覺知此際	非是智慧境
我昔聞此法	行於甚深處
眾生所樂異	信受者希有
若不信此經	最勝之所說
多佛種善根	是人乃能信

爾時世尊。復告善思惟言。童子。是故菩薩應如是自莊嚴。於世間驚怖處不生驚怖。應如是莊嚴。童子言。世尊。我於今者信樂受行。愚癡之人所不能信。佛告童子。菩薩摩訶薩甚深之行當為汝說。諸法無諍聞已不驚。一切法斷聞已不驚。諸法不斷聞已不驚。一切法有一切法無聞已不驚。一切法分別一切法無分別聞已不驚。諸法有為諸法無為聞已不驚。一切法有境界一切法無境界聞已不驚。一切法歡喜一切法無歡喜聞已不驚。一切法差別一切法無差別聞已不驚。一切法有求一切法無求聞已不驚。一切法清涼一切法無清涼聞已不驚。一切法明一切法無明聞已不驚。一切法有名一切法無名聞已不驚。一切法生一切法無生聞已不驚。一切法有畏一切法無畏聞已不驚。一切法生一切法滅一切法無滅聞已不驚。一切法是道一切法非道聞已不驚。一切法般涅槃一切法不般涅槃聞已不驚。說此法時。不生驚怖。爾時世尊。而說偈言

於一切法中	自性不可得
以無自性故	應觀其相滅
一切法無滅	其中亦無心
一切法無故	自性不可得
一切法中諍	其心不可得

若法不可得
一切法無故
若性無實者
一切諸法斷
此稱為斷者
一切法不斷
微塵及多塵
一切法無故
如彼不可得
一切法無故
若言無實者
一切法和合
求諍之自性
一切法無合
如是不可得
一切法無得
以其無始故
一切法歡喜
若法不可得
一切法無喜
自性中無實
一性法不動
以自性無故
無動是涅槃
以無有法故
一切法無常
此眾生言說
諸法無分別
眾生不可得
一切法如幻
以法不可得
一切法無為
以法不可得
所說之境界
凡夫虛妄取

亦無有諍者
其性無有實
其法亦無滅
智者解不二
非顯示於斷
微塵不可得
法中不可得
言說中而現
實有而不現
方便而有見
此則皆戲論
無諍故宣說
畢竟無有實
無作亦無滅
遠離於諸法
求始不可得
名之為實際
喜悅不可得
亦無有言說
以法無二故
此是甚深相
自性中無我
求動不可得
求法不可得
故名為涅槃
而說第一義
名之為分別
無常無住故
此是法中法
其幻不可得
依行故言說
此是其自體
是故名無邊
自體無境界
稱言有境界

自在說境界
以其說境界
一切法是實
若身不可得
以其無得故
以有所得故
其中無清涼
無法無清涼
諸法不可得
以諸法無故
一切法唯名
若法不可得
受及與非受
此中無有說
非有名為有
以起分別故
凡夫見幻人
有無法平等
法生及無生
以下劣凡夫
法若有生者
生法及滅法
一切法悉空
汝應如是知
菩提無言說
若得菩提時
若分別菩提
行及於菩提
一切物無生
以自性無故
畢竟無有生
以自性無故
若知此義者
彼無有生故
聞說甚深法

亦說無境界
應知無境界
其數不可得
是故無有異
則知有所得
則知無所得
亦無不清涼
此是諸法實
不可得說此
則知諸法有
名亦不可得
則知有涅槃
於受中而說
名之以為說
於有中而說
恒墮有無中
取之謂為實
智者聞不惑
二俱不可得
故說有生法
是則應有滅
此二不可得
無法而可得
我所說深法
亦無有作者
於三有明了
不名求菩提
無有分別相
求自性亦無
此是涅槃相
求之不可得
非滅非非滅
一切法自性
則無有違諍
不生驚怖者

應知彼眾生 佛說為菩薩

爾時善思惟童子。以偈白佛
世尊無上師 為我故出世
於此法中說 異相求唯名
牟尼出於世 佛生不思議
永斷諸魔網 而現正法網
我斷生死盡 不久至道場
若無異想者 以相故演說
世尊說可求 見已入涅槃
度脫諸世間 斷絕諸疑惑

爾時世尊。告善思惟童子言。無疑惑行是菩薩行。護念之行是菩薩行。無分別行離一切過。以甚深行憐愍一切諸眾生等是菩薩行。善思惟。相行虛妄行是欲相。捨於欲行離諸瞋恨。於一切眾生其心平等。以心不可得故。行大慈行以求法故。行大施行以不捨故。行無疑行以不見他故。行無惱熱行以清涼故。行精進行無疲倦故。行三昧行心無邊故。行於智行知一切法相故。行無畏行無怯弱故。行無障行成就如來影像勝行故。觀察十方一切世界以無滯行故。爾時世尊。而說偈言

說諸菩薩行 遠離諸疑惑
行及於愚癡 二俱不可得
非行以為行 是諸菩薩行
若知此行者 斯人行無礙
說諸菩薩等 護念於諸法
以求無所得 此是無上行
若說我修行 則住於顛倒
以住顛倒故 不能得無畏
此是言說行 言說不可得
若能如是知 行於無上乘
大乘無上乘 此乘無驚怖
驚怖及不驚 一切皆戲論
我說一切行 一切行皆無
若一切行無 是為無上行
此行是甚深 護念一切法
護念及甚深 此一切分別
甚深及以行 此中二俱無
若知於此際 不分別諸法
無法可取著 無法不可著

此是諸法性
無堅無欲等
文字不可得
我以方便說
以求不可得
此諸眾生行
若能如是知
一切眾生無
而眾生法爾
若心若眾生
此是第一義
菩薩摩訶薩
以修常施故
若法不可得
是時修施者
若法不可得
以不驚怖故
若佛不可得
此名真持戒
佛境不思議
愚者不覺知
於眾生起忍
此是無上忍
若心不可得
此是無上忍
若起疲倦時
如是上精進
身心直精進
此是上精進
菩薩於法中
無功而精進
於內外法中
其心善調柔
攀緣及以心
無心三摩提
無性而演說
以求故顯說
此是無上句
聞者勿生怖
亦無破壞相
理實不可得
是名善修學
故我說眾生
此道是無上
畢竟不可得
而大慈故說
世間大施主
故名為施主
一切法皆無
菩薩無智故
於高下法中
名為真施主
法則不思議
諸法無所依
為諸菩薩說
禁戒不清淨
眾生不可得
於此法中說
亦無有分別
以法不可得
菩薩應遠離
以名字故說
不倚於諸法
為諸菩薩說
若不起疲倦
勤精進無上
心性不可得
以心無得故
自性無所有
是故名三昧

善逝為我說
若不離此法
不以智慧知
自性及以法
不得一切法
不以智知法
若能如是知
行於第一義
一切眾無實
於彼大眾中
彼眾生如幻
聞如是說時
若自他等法
聞說如是法
內外等二法
心無高下故
一切法無礙
法自性亦爾
菩薩如是知
明了一切法
眾生不可得
智明了諸界
我說入此門
得如是道已
界及於眾生
如是第一智
於內外法中
遠離無著法
此法不思議
彼法無所有
如是修行時
此智名無滯
諸法不思議
以其法無故
諸佛及佛法

此三摩跋提
我說善調伏
法有少自性
此二畢竟無
心識之境界
自性畢竟無
是菩薩念力
非世間境界
而為說正說
不起眾生想
其幻畢竟無
不生於礙想
此二畢竟無
不生於礙想
智者之所行
一切世間等
猶如空中迹
如彼空中迹
名為善通達
知眾生所行
求法亦復然
其界畢竟無
行於無上道
知諸眾生行
此二俱無實
知於一切法
智慧無所著
是名為實際
名為諸佛法
無亦畢竟無
不著於此世
名為諸佛智
於法理無實
佛法名覺者
一切皆不著

不著於菩提	是名諸佛智
此乘是大乘	攝一切法門
度脫諸世間	世間不可得
一切諸世界	所有諸眾生
菩薩為求法	皆親近恭敬
深觀此諸法	佛法不思議
以不得諸法	是人得菩提
菩提及以法	一切皆無相
如是觀察者	能盡於佛法
如是觀察時	於世間不著
以心不著故	能盡於菩提

復次善思惟。諸菩薩摩訶薩。未具莊嚴者我今當說。若有得聞如是法門不生驚怖。當知是人已近道場。近佛境界住無障礙解脫之道。觀察十方心無所著則為諸佛。以大慈大悲不共佛法。不觀頂相之所覆護。聞說如是甚深法門生信樂者。則為如來悉見悉知。於此經中不信樂者如來悉知。若於此經生信樂者。是佛弟子我是其師。爾時世尊。而說偈言

我已坐道場	道場畢竟空
以不得菩提	安住於智中
其法無障礙	法體畢竟無
若法畢竟無	解脫時乃知
於一切法中	智慧能到佛
一切法及智	此是佛所說
凡夫妄分別	說言有無著
諸佛不分別	菩薩及智者
觀察諸世間	世間畢竟無
世間空寂故	觀智亦如是
眾生及以佛	無有分別相
以無分別故	名為無上慈
盡諸眾生界	雖為悲所觸
其悲無實事	悲及於實事
此凡夫境界	如虛空尺寸
本無當亦無	世間亦如是
是名無上悲	此是無上法
名為諸佛法	求之不可得
善逝之所說	導師無上尊

求色不可得
隨世間故說
處處不可取
隨世間故說
智慧不可得
彼智亦無實
以相形故說
不行甚深法
一切皆平等
則非善知識
若說有求者
彼非善知識
除遣得無法
不作如是說
性中無苦惱
不入於此法
名之以為集
則遠離此法
本無而分別
本來無有滅
本無今何滅
此見非正見
以求故演說
於道中修學
大智大名稱
能解此深義
最勝之所說
為諸眾生故
智者能受持
能護我正法
住如無分別
菩提不可得

如是法無色
虛空無有邊
諸佛法如是
此無上智慧
以智不可得
此岸若彼岸
以彼取相故
當知此法中
若以相說者
自眾若他眾
以取相說故
若謂法為有
童子我此法
我以知苦故
若如是說者
諸法本無集
若說斷於集
若於此定法
於本無法中
若以分別說
童子汝當知
修習於道者
付囑於求者
我說諸菩薩
於當來世中
若有持此經
多種諸善根
善說修多羅
是人當來世
說於此法者
如此是菩提

說此法時。善思惟童子。得無生法忍。踊躍歡喜得未曾有。諸佛法常為諸菩薩授記。時現希有事。爾時世尊。從其面門放諸光明。青黃赤白紫頗梨色。此光出已遍照無量一切世界上至梵世。照世界已還至佛所。遶佛三匝從佛頂入。是時大地六種震動

。爾時空中有諸天眾。雨眾天華沈水末香。於虛空中作天伎樂出妙音聲。爾時三千大千世界清淨莊嚴如鬱單越。爾時阿難。從坐而起整理衣服。恭敬合掌白佛言。世尊。何因緣故如來現此希有之事。若無因緣如來則不現此瑞相。爾時阿難。而說偈言

無上導師人中尊	無緣則不現奇變
唯願世尊為眾說	今此瑞相何因緣
諸天在於虛空中	供養最勝無上尊
歡喜踊躍而讚歎	善說微妙勝法門
譬如北方鬱單越	種種妙華而莊嚴
此諸光明亦如是	照此世界皆嚴淨
一切諸佛法如是	為諸菩薩授記荊
放此妙色大光明	遍照十方從頂入
無上精進牟尼尊	現此光明希有事
如來何緣放斯光	唯願大悲為我說

爾時世尊即為阿難。而說偈言

善思惟童子	於諸如來所
廣種諸善根	當作人中尊

佛告阿難。此善思惟童子。於當來世當得供養無數億佛。於諸佛所信樂恭敬。以諸供具飲食衣服臥具湯藥。供養彼佛。彼諸如來般涅槃已。取佛舍利起大寶塔高百千由旬。一切眾寶以為嚴飾。以一切華香寶幢幡蓋。栴檀沈水種種末香伎樂歌頌。供養讚歎彼諸如來。當得作佛號淨月如來應正遍知明行足善逝世間解無上士調御丈夫天人師佛世尊。爾時世尊。而說偈言

十方諸世界	珍寶滿其中
以此珍寶聚	奉施諸如來
世間無上師	世尊之所說
若聞能受持	功德多於彼

爾時慧命舍利弗。以偈白佛

甚深勝法門	最勝之所說
云何名此經	我等頂受持
於此法門中	不說一法無
有亦不可得	勝法門所說
一切有漏法	及以無漏法
於此不可得	微妙經所說
一切有為法	及以無為界
二俱不可得	於此經中說
世尊無上師	說於一切行

一切不可得
佛之所說法
所說甚微妙
十方諸世界
世界無自體
導師無上尊
云何名此經
聞如是語已
此經名頂王
大智汝當知
若能受持此
彼人能覺知
佛說此法時
諸善根增長
以得聞此經
此眾必當得
於甚深法中
此眾畢當作
若能受持此
於一切法中
此中無一忍
若法不可得
若有能受持
以觀此法故
若有智女人
能速轉女身
以一知一切
諸法陀羅尼
言說一切法
如是說此分
彼彼諸世間
於處處說者
法不可攀緣
一切法如是
若法不可得

於此經中說
於此亦不說
求我不可得
世尊之所說
於此經中說
唯願為我說
我等當受持
佛告舍利弗
其頂畢竟無
應如是受持
最勝之所說
諸天及世人
眾中百萬人
悉發菩提心
甚深無上法
世間無上尊
皆悉明了知
受持此章句
所說頂王經
不生惓望心
亦無第二忍
亦無法可說
頂王修多羅
能生於辯才
能受持此經
成就丈夫法
以此一切知
於此經中說
容受於一切
法光靡不遍
種種名應知
其法不可得
求之不可得
總持者安樂
法中無有無

此是諸法性
若有能持此
持法之光明
一切法甚深
若法不可得
若人具智慧
乃能知此義
如阿耨達龍
水非從外來
若欲知諸法
學此修多羅
於此法門中
一切法無生
譬如日光明
此經亦如是
若辯才比丘
學此修多羅
速疾能得成
修學此經已
若有於此經
總持者難得
比丘比丘尼
行餘虛妄行
於我弟子中
能為世間眼
如忉利天王
此經亦如是
如住須彌頂
如是住此經
如夜火星流
持經者光明
譬如日光明
此經亦如是
如月在空中
此經亦如是

名之為總持
所說頂王經
遍照一切處
其法不可得
亦無所有無
辯才無所礙
畢竟無有實
處空注大雨
不思議力爾
分別無所礙
不依一切法
法無所從來
於此經中說
光無所不至
遍照一切法
應受持此經
微妙頂王經
不思議辯才
能利益世間
能信生隨喜
以不知味故
若不修行此
去我法甚遠
若能修行此
一切無與等
能覆護世間
能為世間舍
見一切世間
觀察一切法
一切皆悉見
一切法中勝
遍照一切處
能滅一切闇
照已而不住
能照十方界

此印是法印	一切印所印
此印住世間	為諸菩薩故
如虛空中印	本無當亦無
虛空及與印	二俱是分別
如是諸佛法	於此經中說
諸佛不可說	法亦復如是
如王命將終	國嗣付長子
勅告群臣眾	悉以付我子
如是聖法財	賢聖所守護
付阿難比丘	為諸菩薩說
守護持此經	為諸菩薩故
成就善根者	此經入其手
若有能受持	演說此經者
是人必得佛	決定無有疑
若人求辯才	於法無依止
應受持演說	頂王勝法門
說於世間法	即名為菩提
如是無差別	通達於此經
於一切世間	此人無疑惑
能受持此經	亦為他人說
聞如是經已	覺知諸佛法
以此甚深法	利益諸眾生
佛說此經時	諸佛皆稱讚
善哉無上尊	所說甚微妙
建此大法幢	法幢不思議
能以四句偈	為眾生解說
此不思議經	若為他解說
能觀無量法	法觀不思議
諸佛無上尊	永斷一切法
皆同說此經	不思議法門

爾時世尊說此偈已。告阿難言。若有比丘比丘尼優婆塞優婆夷。聞是法已。受持讀誦為他解說。所得功德甚多無量不可窮盡。譬如虛空不可窮盡。如是阿難。若人於此甚深法門。受持讀誦一四句偈為他解說其人功德亦復如是說不可盡。爾時世尊。而說偈言

無邊甚深法
受持解說者
若以分別說
於此經功德
若受持此經
十方世界中
十方世界中
受持此經者
十方世界中
若有聞此經
過去諸世尊
十方世界中
若有受持此
皆悉已供養
以資生供養
受持此經者
若人以珍寶
持以施諸佛
若復於此經
此人所供養
我所說法中
於此不驚怖
此第一供養
若不毀眚者
諸佛及以法
此第一供養
然燈正遍知
此第一供養
我於彼世尊
然後得授記
若欲求佛道
淨修行此道
如是供養已
應修此供養
此第一供養

此經說大義
應善護此經
虛空尚可窮
說之不可盡
則為已供養
一切諸世尊
所在大牟尼
則禮拜供養
十號具足尊
則為已供養
及以當來佛
現在人中尊
如來所說經
師子牟尼尊
此是世間智
無上智慧供
充滿十方界
其福德甚多
善學為人說
佛說為第一
求佛不可得
即是供養佛
世間所不及
亦名為供養
求之不可得
最勝之所說
以此法供養
為諸菩薩說
以此供養已
當來世作佛
為眾生上首
而供養導師
得菩提不久
通達一切法
一切諸佛法

諸導師世尊	一切悉皆得
得入佛境界	佛智不思議
能作師子吼	我應受世供
作師子吼已	一切法無畏
度無量眾生	入無漏涅槃

佛說此經已。善思惟童子及諸比丘僧。一切世間天人阿修羅乾闥婆等聞佛所說。
皆大歡喜信受奉行